



29. oktober 2018

UKA2018/47

Nappaatit suut napparsimasut sivikitsumik piffissamiluunniit aalajangersimasumik sivilissusi-ligaanngitsumi Danmarkilartutik katsorsartikkiartortariaqalertanerannik kinguneqartarnersut pillugit Naalackersuisut UPA2019-mi nassuiaammik saqqummiussinissaat pillugu Inatsisartunut aalajangiiffigisassatut siunnersuut. Nassuiaammi aningaasatigut nakorsaanikkullu periarfissat suut ungasinnerusoq isigalugu napparsimasunik Danmarkimut katsorsartikkiartortunik ikilisisinnaasut ilanngunneqassapput.

(Aleqa Hammond, Nunatta Qitornai)

Aqqaluaq B Egede-p IA-meersup siunnersuutigaa Naalackersuisut nalunaarusioqqullugit. Nalunaarusiaq taanna imaqassaarooq nappaatit suut Danmarkilartutik katsorsartikkiartortariaqarlertanerannik nassataqartarnersut aammalu ilanngullugu nalunaarusiarineqassasoq aningaasatigut nakorsaanikkullu periarfissat suut ungasinnerusoq isigalugu napparsimasuni Danmarkimut katsorsartikkiartortunik ikilisisinnaasut.

Nunatta Qitornaanit nuannaarutigapput ullumikkut peqqinnissaqarfiup kivittagai imaannaanngitsut sullittunit pikkorissunit kivinneqartarmata. Piffinni amerlasuuni sulisut pikkorissut aaliangiisuullunarpupput nappaatit siusinaartumik toraarneqarsinnaasarmata aammalu misissorneqarluarnermik kinguneqartumik peqqissivinnissamat aaliangiisuusarmat. Ukiut tamaasa nakorsat, peqqissaasut, niviarsiat, aaviisartut, pilattaasartut ilinniakkaminnik naammassisartut qujanarnerpaapput, tamannaavorli aqqutissaq siunissami sulisussanik ataavartumik peqalernissamat matuersaat pingaartorujussuaq.

Tamannali tamakkiisumik pigilersinnaanagu aammalu atortutigut specialistikkullu amingateqarallartilluta pinngitsoorsinnaanngilarput allanik suleqateqarneq. Peqqinnissaqarfikkut suleqateqarnerput nunanik allanik pinngitsoorsinnaanngilarput, uanilu siunnersuutigineqartutuut Danmark.

Katsorsartikkiartortartut ikiliartunngillat, ajoraluartumillu nappaatit katsorsaruminaatsut amerlaqaat taassumalu nassatarisarpaa utikattariaqarneq aammalu sivilissuarmik aallaqqasariaqartarneq.

Siunnersuuteqartup suliassamik tikkuussinera paasilluarparput aammalu nuannaarutigapput naalackersuisut siunnersuummut naaperiuteqarlutikk allannguutissamik siunnersuuteqarnerat.

Siunnersuut peqqissutsimik ataatsimiititaliamit suliarisassanngorlugu innersuupparput.